

Comisario Peterson:


Uniform di Polis ta señal di deseo pa sirbi

ORANJESTAD(AAN)—“Bisti un uniform di Polis no ta duna privilegio especial, pero ta solamente e señal exterior di kier sirbi”. Esaki ta loke Comisario Peterson a trece dilanti ayera durante e ceremonia pa instala Agentenan nobo di Polis. El a muestra cu e grupo awor ta bay traha y cu practica ta diferente for di teoria di estudio. Enemigo el a califica droga, cu e Agentenan mester bay combati.

Un grupo di joven Arubiano ayera a presta juramento pa asina duna inicio na nan carera como Agentes Policial.

Comisario Peterson a tene un discurso durante e ceremonia di instalacion di e miembran nobo di Cuerpo di Polis, cu despues di un seleccion a sigui nan estudianan.

El a muestra cu e grupo cu durante nan juramento, nan a yama Dios como testigo pa asina realiza un labor cu ta dificil, pero bunita, esta sirbi comunidad.



Ayera mainta 20 aspirant a termina nan curso na opleiding school pa aspirant politie. Esnan cu a gradua ta Roberto Brown, Rudy Croes, Renato Emerencia, Aster Faro, Anthony Geerman, Ruben Geerman, Mario Kock, Rolando Maduro, Arcenio Murray, Albertico Paskel, Kevin Peterson, Soraya Rojer, Liset Susanna, Alex Tromp, Robert Tromp, Yvi Tromp, Clarisca Velasquez, Dominico Werleman, Jeanice Werleman y Milka Wernet. Den e 20 nan aki tabata tin 7 damas. Na e mes un momento tambe tabata tin 10 estudiante cu lo bay sigui e curso pa polis nan ta Zoraida de Cuba, Jacqueline de Windt, Maureen Dirks, Sandra Kock, Willem Dunlock, Kenneth Rasmijn, John F. van der Biezen, Raymundo Loeffstop, Lucas Croes y Silvio G. Ras. Tambe Sra. Williams a worde promove pa hoofd klerk, Sr. J. Maduro pa onderopzichter, Sr. M. Pourino pa onderopzichter y Sr. Th. Vrolijk pa technische poliete 1e klas A.

Mustrando cu agentenan policial ta hende comun y coriente, el a bisa cu comunidad si ta spera cu nan lo no comete error. Esaki ta justamente e reto cu ta spera e agentenan nobo.

Mientras e lesnan cu nan a haya a forma e piedranan pa mantene e fortaleza di un estado di derecho, lo no alcanza e meta solamente cu les.

E forma cu e agentenan nobo lo worde ricibi den

seno di Cuerpo di Polis y nan formacion practico ta mes importante pa sirbi Pueblo bon. Comisario Peterson a acentua cu e

agentenan den nan trabao mester sirbi comunidad.

El a muestra cu e grupo a demostra cu teamwork ta importante pa nan.

Di su parti, Mando Policial a percura pa nan haya e mihor curso na mundo y cu despues nan por conta cu guia necesario den seno di e Cuerpo. Pero lo yega e dia cu nan lo mester laga man di e guia los pa sigui cana independientemente.

Comisario Peterson a splica cu awor e agentenan mester bay enfrenta e realidad di nan trabao y a muestra ariba e preocupacion comun forma pa droga. Mas cu nunca mester traha pa demostra cu Aruba no ta un lugar pa droga.

Palabra di gradecimento Comisario Peterson a expresa na tur cu a aporta pa e agentenan policial por a termina nan curso cu exito.

Posible aumento mercado Europeo cu conexion entre Venezuela y Aruba

ORANJESTAD(AAN) — Entrante luna di Mei tin e posibilidad cu Aruba lo haya mas bishitante for di e mercado Europeo, cu inicio di e pakete “Venezuela/Aruba Adventure” di e compania di avion Aleman, Lufthansa.

E pakete, un cooperacion entre e aerolineanan Lufthansa y Aeropostal, ta cubri dos siman di vacation. Pasaheronan ta yega Venezuela cu Lufthansa pa un estadia di 1 siman y ariba Diadomingo nan lo viaha cu Aeropostal pa Aruba, hospedando 6 anochi. Su siguiente Diasabra e pasaheronan lo viaha pa Caracas pa despues sigui nan viahe di regreso cu Lufthansa pa Frankfurt.

E operador local di e pakete ta De Palm Tours, e e hotelnan involvi ta Golden Tulip Aruba, Caribbean Hotel, Holiday Inn y Manchebo Beach Hotel. E pakete lo ser bendi na Alemania, Francia, Austria y Italia.


E operador ta duna un garantia di 50 asiento pa siman. Ta ser spera cu den luna di April lo cuminsa cu viahenan di familiarizacion na unda e agentenan di viahe lo por cera conoci cu e facilidadnan turistico cu Aruba ta posee. Indudablemente esaki lo facilita e agentenan pa vende Aruba mucho mas mihor na nan clientela. E pakete lo ta valido pa e temporada di verano y ta forma parti di e plan di mercado di Lufthansa pa promove nan vuelonan regular usando Caracas como “gate way” pa Caribe, den e caso aki pa Aruba.

Lo no tin coriente na departamento di labor

ORANJESTAD(AAN) — Pa motibo di trabao necesario ariba e sistema di electricidad, Departamento di Labor den Helfrichstraat no. 9 San Nicolas lo no tin coriente ariba Diamars esta awe dia 1 di Maart 1988.

Esaki ta significa cu e Siguí lesa pag. 12

Quasar's Best Value



NOW ONLY
Af. 890,-

Stereo Music System with AV Unified Wireless Remote Control

■ AV Unified Wireless Remote Control ■ Dual cassette Deck with Dolby® Noise Reduction System and series play ■ 20 watts per channel RMS power output at 8 ohms, 60Hz—20kHz, 0.9% THD ■ Quartz synthesizer tuner with 16-station random access preset memory ■ 5-band Graphic Equalizer ■ CD/Video input terminals ■ Auto scan tuning ■ 11" belt drive turntable with auto return ■ 2-way speaker system with 6½" woofers ■ Model CS7025.

Cumprando
Un STEREO SET
Quasar



bo ta ricibi un
COMPACT DISC
na e prijs especial
di solamente:

Af. 590.-

CORDA CU TIN POSIBILIDAD PA
UN FINANCIAMIENTO SIN DOWNPAYMENT.

MARATHON

Telefoonn di Diario
Tel: 26747
Tel: 22207
Tel: 35026